

續修裕州志序

從來州邑之志必紀其地之山川物
產人民疆域以及風俗之淳澆賦役
之增損所以待輶軒之採而備太史
之徵故逾時必爲之增修久則恐有
所遺軼蓋以考之於傳聞不若得之



於親見者之爲足信也裕州古方城
地居荆楚上游而爲南陽大屬昔石
口號稱極盛民間竒行節孝文人碩
士本不乏人其載在州志者更僕難
數迨勝國屢遭兵火故老遺亡舊志
殘缺康熙癸巳年間前守董君奉文

重修乃捃拾遺編博稽遠考撰成州志六卷然亦僅得十一於千百當其時事傳人忘人傳事軼者不知其凡

幾迄今懷古君子未嘗不把卷而心

傷之是亦無可如何者也名立承乏

是邦于茲六載去董君修志之日已

歷三十餘年此數十年間生計教誨

上戴

聖天子之化道下被諸

上憲之撫掩其野無荒土戶誦詩書閭閻之間彬彬揖讓且民婦之節烈時聞而學士之文風日起此觀

裕時又大不侔矣于是因思三十年
爲一世此一世中少者壯壯者老小
民可風可傳之事耳聞目覩確見而
無疑者不及此時急爲志之將更歷
數十年其可信者漸至於可疑而可
疑者漸至於遺亾而莫考是果誰之

責也歟第媿

名立

以荒陋之學不敢

妄有所更定而又艱於工費弗能大

事纂修惟就董君舊志卷中自康熙

五十五年之後諮詢採訪得之見聞

可信者取而續入之不使事久遺軼

湮沒弗傳故或紀人物之善良或紀

丁賦之增革或紀時事之廢興或紀
土風之變易無不詳加考核至再至
三至於近時詩歌亦必廣爲搜集捐
貲若干付諸剞劂以備他年之採取
云爾若夫志中序傳間有不合體裁
而藝文所載篇什有不盡雅馴者因

序
非重修另刻故咸仍其舊焉且以待
後時博學明眼之君子而非名立所
敢妄及者矣是爲之序

乾隆五年歲次庚申夏四月裕州知州蘭
山宋名立書於署齋

堵陽賦

有序

褚介昌

堵陽春秋時楚之方城也屈完指以却齊桓其地之雄勝可知至東漢而光武起於南陽境內率王侯戚里田園甲第溢郭充衢槩可想見六朝五代歷世相沿地沃民稠間遇兵燹亦不至凋弊已甚也迨至明季盛極而衰流寇蹂躪無遺市井蕭條田疇荒蕪蕩焉燼焉父老之流傳不亦良可慨哉

今上龍飛輕徭薄賦息訟停刑生養休息蓋已有年
至康熙四十五年郡伯董公諱學禮來蒞茲土
慈祥愷悌樂易和平政成而俗應矣加以年歲
屢登污萊盡闢蓋親民之伯牧其轉旋也爲甚
易而時和則氣自應亦理數之必然是以里多
敦睦之風戶有弦歌之樂以今視昔豐瘁不鮮
殊哉介昌幸生其際擊壤歌衢其能已乎適
葺州志則盛衰之會轉移之故尤不可不記

爰作斯賦以貽來禩焉其詞曰

昆水之湯天封之北沃土啓疆高原立國方城
楚域堵陽漢設星躔鶉火之次地紀天中之脉
嵩高東峙漢江南接土膏潤而四布泉流清而
激越人多力作土宜稼穡慨自流氛見於前代
災傷傳於昔日未獲睹繁麗於當時常深緬仰
猶幸際轉旋於日夕快茲起色溯厥來由固欣
聖王之化以神允沐賢牧之政與德是用據詞質文

維則當夫禹析九州周圖王會居豫土而宅中
分卜洛之南界其形勝也喬峙舒屏環流縈帶
左顧乎平昌右紆清洧鄆陵綿亘而前抱泗洛
逶迤而擁衛據荆襄之上游扼河嶽而勢大分
少室之蜿蜒接龍門之發派佳氣鬱蒼中原冠
蓋其曠衍也則原隰拓土罔巒表疇溝塍繡錯
丘甸雲浮震雷封而計輸廣望烟爨而企寰周
咽猴南朔鎖鑰傳郵轉輸貨物則梯航並

童土產則良楮兼收若夫山川巖壑迴環
長林古木參差膠葛佳蔬珍菓烹甘茹液奇
異香流香布色雖屬地氣之滋生亦由政平
洽俗美風淳之所得惟其寒燠應時雨暘
則山川爲之增麗林木爲之挺質朱草華
岩而布壑靈芝桂菌叢蹊而蔚澤豈非盛
禎祥不異清時之屈軼於是山則九崖
頂標奇黃石亦號金頂大乘有似須彌羅

起瀑布泉飛驪山傳老母之洞牛巖識藟

栖雲典表瑞雨潤郊圻水則潘水澄瀾清

蒸貫冒漣漪趙名瀨森三里十里成川

流殊道不注水經注洋豈少至若泉有

傳拔倒煖可灌田旱堪祈禱物產則夏材

生草蕙喬翁蔓子堤樓象然五二今藜

以長春紫山平野秋實嶠

連遠鶴旣延技而三窟冰

蘭而七襄豐狐文豹葺鹿麝麝畫眉巧啣以
語鷓雉雄雉以舒章神羊喜直而善觸騶虞
馴而呈祥產竒毓異更僕難詳川澤則金鯉素
魴旅鯁潛鰓鰲守稱神蟬蛻若縑鴛鴦游于淵
渚鷓鷓窺乎漱灑春籟秋葭寒菱煖茨誇汗池
之藕蓮嗜澗溪之菖歎畧採可施材腹不減其
農圃則有來牟夏熟稷黍秋登稻香鸚啄豆老
鴻賓豐固樂夫烹葵而介壽歎亦猶見擊鼓而

歛幽桑麻越陌芋蕓分塍春初之韭早剪秋末
之菘晚騰芹逾雲夢瓜軼東陵其園林則名花
浦徑珍冰羅丘松濤竹漾梅蕾柳眸挹薔薇之
朝露觀合歡之夜綢棠嬌睡暖蓉艷醉秋牡丹
與芍藥爭麗巖桂偕籬菊並幽以至膽桃刺玉
零栗綻榴花難悉數菓亦罕儔其人文士俗
聰穎比肩英奇接武仰廷尉之持平溯乘
堪譜土著圭璋來游級組處處詩書人人

若乃附籍編氓寓留客戶燕趙齊徐魏懷鄆
或風勁而直與剗或習誇而豪以武或嗇而
勤或辨而善賈以至秦晉紛投粵閩錯處嗜異
言嚙分規別矩雖質性之不齊被風教而胥頌
共熙洽于農桑更纏綿乎賓主社酒醉翁蜡壇
淵鼓喜牧宰之化裁爲永言而起舞歌之一日
七峰秀兮赭水明轉地軸兮樂昇平旣庶而富
何營營犁鋤徧野畝縱橫召杜爲政樂難名歌

再曰閉閣寥寥先疇稀街衢遼廓烟火微年來
墾闢流移歸聚落殷繁屋崔巍重門複閣生光
輝歌三曰五方雜集性質殊鬪訟日日煩縲垣
神明邑宰德化徐民自不寃舊習無頓令此日
愧鞭蒲歌四曰絃誦無闕俗漸辟禮義豈容盡
漸滅言游爲政先教術義塾書院拓更力彬
文治斯華國歌五曰名區沃壤舊堵陽想優
華悼荒涼于今景物何輝煌

三石齋吏易浪乘行着塔提集鳳凰歌竟不禁欣
而笑曰雕技慚龍綺才愧斥輒洋洋而纒纒敢
辭儼乎往古聊以紀幸匪云織組爰作頌曰方
城雄峙楚之疆只流泉靈應世業昌只含華毓
秀顯名芳只撫今思昔麗且康只於斯萬年奕
葉光只

裕州志原序

南陽夙稱中州名郡而郡屬十二惟裕路當

午之要南襟湘漢北引河雒東挾江淮西脅武

關其地號爲險阻故昔楚屈完對齊侯曰楚國

方城以爲城言其控踞上游實荆襄之屏蔽也

山川明秀土風淳樸產其鄉者間著英偉俊傑

之彥而節義孝行代不絕書戶口殷蕃蓄積饒

足富庶甲於宛南至今遺老猶有能道其盛衰

蓋儼然一勝區矣州志經明季兵燹之餘盡付劫灰今所傳者僅搜之殘編斷碣并耆舊之所記憶而已甲戌修後距今二十有餘年焉其間民氣之漸甦士林之振刷以及兵燹并牧之所剪薙而墜藝固已日改厥觀仰見我

皇上休養生息涵濡於數十年之久以致史者之撰撰錄成書以備輶軒之採擇學禮蓋有未及未之建也會歲癸巳郡伯沈公特簡

嘉慶二年政通人和百廢俱興念郡志積久未
輯詳請撫憲李大中亟暨藩臬守巡諸上憲
荷報可愛檄各屬僉續修之竊惟志以徵信
學禮自丙戌承乏斯土時猶地廣不治榛莽塞

路市井寂寥學校荒蕪惴惴焉惧無寸籌以副
厥職惟是凜遵功令多方招徠安集撫綏闢義
學延師儒以訓課士子幸逢今日久道化成
海內乂安而中之更邀天佑時和年豐歲比有

秋間於簿書之暇循行四境獲覩生齒日繁田
野日辟戶誦家絃爭自鼓舞景象維新駸駸乎
日進於盛矣嗣此加意拊循俾得元氣盡復以
馴致於昔時阜饒之俗豈非司牧者之所手額
稱慶乎用承憲檄援摺舊編詳搜近事情稽
論信而可徵者爲之彙次卷帖併綴蕪詞弁諸
簡首云丙申冬婺州知州董學禮撰

河南南陽府知府加一級紀錄七次沈為詳請

修誌書以備文獻事查得府誌自明迄今雖屢經較

訂不過續增數十年內事實附諸簡末已耳其從前

訛謬因仍忽不加察如建置沿革各据一書陵墓古

蹟互淆數地漫引前賢以榮鄉里旁摭稗官以誇故

事未免僞者託真而真者反僞至各州縣之志不同

於府府誌不同於省非所以昭畫一而同文治也卑

府逐一緝閱慨然久之擬欲延擇文學淹雅之儒熟

知典故長於史事者博採典章蒐羅遺軼刊正舛謬
歸於精詳並行所屬州縣細加考訂勒爲成書永垂
不廢事關修誌鉅典卑府未敢擅便理合詳請

憲批示以便遵行者也蒙

撫河南等處地方提督軍務兼理河道都察院右
都御史加四級李 批如詳修誌毋得延擱十餘
仍候 學院批示繳

等處學政加

一級

批修誌

仍候

撫都院批示行繳

處承宣布政使司布政使隨帶加一級
批宛郡夙號名邦誌垂無殊國史該府
文獻有補治功纂輯重修誠屬要務仰候
撫憲暨學院批示繳

南等處提刑按察使司按察使加四級張

世

詳續修宛南郡誌徵文考獻用垂不朽
心治化本司拭目新裁聿觀厥成仍候

學

院批示繳

南布政使司叅政分守開歸河三府管理通省
糧務道加二級軍功紀錄一次又紀錄七次載

院府誌有關合郡事宜該守具請校正足見
心政治如詳編輯仍候院司各批示繳

分巡南汝道按察司使僉事加三級紀錄

張郡誌歲久自應修補

心政務如詳編輯

訂不致踵訛襲陋勿濫勿遺方千大典有光
一切動用銀兩作何捐備亦酌定聲明仍候

撫學兩院


藩二司批示繳

河南通省巡理河道按察使司僉事加二級王 批
仰候 院司批示繳等因蒙此知照到州遵行
刊載將應增應續宜因宜革各事宜攷訂成
申送本府核發遵照施行

康熙五十五年八月

日奉檄





州

裕

北至白汝嶺一百




東至王家店一百里舞陽縣交界

南至都家堡伍十

城

界交縣山者夏



西至青龍寺六十里南陽縣交界

不之得...

澤州志目錄

卷之一

地理志

沿革

疆域

分野

山川

古蹟

土產

風俗

祥異

卷之二

建置志

城池

官署

學校

祠祀

倉庫

驛鋪

墩堡

關梁

寺觀

坊鄉

集鎮

陂堰

卷之三

賦役志

里甲

戶口

田畝

稅糧

鹽引

驛站

卷之四

名宦志

統轄裕州官蹟

本州官蹟

職官志

官師

卷之五

人物志

古藩

鄉賢

忠烈

孝義

貞節

科第

貢監

耆碩

隱士

附耆碩內

流寓

仙釋

卷之六

藝文志

記誌

賦頌

詩詞

州志卷之一

地理志

粵稽禹貢敷土周官職方而封建有分疆焉自秦郡縣域中地凡山林川澤丘陵原隰無不載諸版圖班班可攷也然廢置隨時而堵陽一區爲名屢易矣其間疆理之分星野之度所宜詳也雖無名山大川而層巒蒼翠曲水淪猗載筆者豈其經野而未之悉耶若夫吊遺蹟而識滄

桑之代謝訪物產而知土俗之良楛風俗移易
貞淫奢儉尤在上者所宜加意也至於水旱冰
雹物怪人妖大夫見灾則修職非守土者所宜
兢兢乎

沿革

裕自金洎我

有定名漢以後廢置屢易命名互殊或縣或州
或郡沿革何紛紛也

士至舉其名而不悉其地何以資博覽歟

裕春秋時爲楚之方城漢置堵陽縣屬南陽郡東漢暨晉皆爲堵陽縣南北朝西魏置方城縣屬襄城郡又置襄邑郡東魏置建城郡及建城

縣北齊郡縣俱廢隋開皇初復置方城縣屬滎

陽郡唐武德二年改滎陽郡曰北澧州領方城

真昌二縣貞觀九年省真昌八年曰魯州九年

州廢以方城屬唐州淮安郡宋慶歷四年廢

城爲鎮入南陽縣元豐元年復置隸唐州金
和八年置裕州治方城以縣屬之元因之明
方城入州屬南陽府

朝因之

疆域

虞書之肇州也域以山川周禮大司空之
下土地也制以溝塗封植至後世之郡
大小莫不立石分界疆域秩然也

舞之後地大不治壤接隣邑徃徃侵占墾種
無有過而問焉者而且滅其碑表歷年久遠處
苗之爭何能正其爲此疆爾界也倘異日者版
曹責疆理之額于裕則裕之苦詘亦甚矣

裕在南陽府治之東北距府一百二十里東至
舞陽縣界王家店一百里西至南陽縣界小石
門口青龍寺東岡六十里南至唐縣界郝家寨
六十里北至魯山縣界白沙嶺九十里東北至

葉縣界保安驛六十里東南至泌陽縣界觀音堂七十里西南至南陽縣界靈龜舖五十里西北至南召界土門六十里東西一百四十里南北一百五十里東北至本省布政司四百九十里至京師二千二十五里

星野

周官保章氏以星土辨九州之地所封封域廣狹有分星以觀妖祥而史記天官書亦言天有

宿地有疆域星占鑿鑿可據誠以觀天文
變皆於星野分屬之際驗之守土者所當見
而知倣也

按舊志分野屬張蓋從府統系也查輿圖備考
南陽府爲張分野天之志曰張鶉火北自密
至外方山東隅斜至力城抵桐柏夫裕距府僅
百里而遙以府統之固可屬張再據斜至方城
一語則其爲張也似更可信焉至于度數之微

芒則尙俟夫推筭之精者

山川

環裕皆山也而見于傳記者惟方城爲特著前志載方城山在州東北四十五里謂楚屈完稱方城以爲城卽此而考古家又謂在鄆之竹山縣者爲是與漢水近至詢城東北諸山並無方城者豈其久而訛耶近考葉志葉之黃城與裕方城山相連則在裕葉之界已若夫

二梁列峙爭奇大乘中封修真駐錫則亦勝
之可覽者矣而潘河一水環繞東城會趙河以
達唐河源遠流長以資灌溉民之利也

方城山

在州東北四十五里左傳屈完對齊桓
公曰楚國方城以爲城卽此昔置方城
縣蓋取此山以爲名也

杜預註云山在葉縣南

七峯山

在州北三十里
上有七峯列峙

泉白山

在州北五十里與七峯山
對峙山頂有泉下流加布

黃石山

一名小武當山在州東北五十里吳葛
元于此昇仙有仙翁觀及昇仙閣山之

東有青龍潭西有白虎峯南有火精嶺北有真龜洞山東有硯山出硯石最佳見硯譜山頂有真武廟春月遠近士民爭於此進齋香有禱必應故擬均州之太和山焉

牛心山

在州東北五十里其麓有蘭香巖云杜蘭香脩真之所又有杜隱士亦隱于此

大乘山

在州東南四十五里有普巖寺石多嶺岫木多古翠中有石佛洞汝寧人繆光隱于洞中有一虎一蛇伴之其西

小乘山有普照寺一名小乘寺今廢

巖麓

在州東八十里有石巖巖下

甲封山

在州東七十五里
吳一和隱居其中

寶泉山

在州北六十里
上有其泉
噴如珠
宋建普濟寺
今廢

當陽山

在州北三十里
下有滑石洞
洞中產滑石
其洞自明時已失迷
所在滑石亦不

復有矣

青山

在州北九十里
界連晉山縣

羅漢山

在州西三十里
因杜羅漢坐化于此
夜間常放光明
遂以羅漢名
山巔建塔

刻羅漢像于內
迄今奉祀不絕
禱雨輒應

離山

又名歷山
在州西北三十里
清河之水所自出

李郁梁山

在州西北六十里本名鹿鳴山山後有洞深廣數尺有李郁者修煉于中

後上昇今呼

爲李郁梁山

房山

在州東南四十里相傳張子房曾登此山有子房廟

黑石山

在州東南五十里石峽口

鳳凰山

在州東北二十五里有荆學士墓

壺山

在州南二十里

吐霧山

在州東三十五里

小豐山

在州西三十五里

杏兒山

在州北二十里世傳
三寺冬月取杏于此

雙

山

在州東北二十五里

香

山

在州東南一百二十里山上有香山寺

霸王山

在州東九十里石硤口內世傳項羽曾駐兵于此

蝎子山

在州東南五十里石下多蝎子

紫荊山

在州東一百里

萊山

在州東南二十里三丰道人脩萊圃于此

烏雲山

在州西四十里上有寺名烏雲寺

毛二梁山

在州北五十里

羊頭山

在州東北三十里

老酈山

在州西北六十里趙河發源山也
有老母巷道光十八年并改酈關帝廟

小酈山

在老酈山北今易名駐鶴山
其山下有靈佑觀昔廢今修

岡嶺

招撫岡

州東二十里光武起
兵招撫士卒于此

望城岡

州西十二里
至此見州城

涼風岡

州東南
二十里

聖秀岡

州東南二
十五里

沙岡

州西北
五里

分水嶺

州西北九十里東接七峯西
連歷山水流至此分南北

當陽嶺

州東北
三十里

白沙嶺

州西北
九十里

水

柳林川

州東北
十五里

水磨川

州北
三里

潘河

州北三十里發源于七峯山遼東門外南流合趙河

清河

州北二十里發源于離山遼州南門外會于潘河

趙河

州西三十五里發源鄧山麓東南會于潘河

賈河

州東六十里源出當陽山東流

大河

州西三十五里上源爲大河下流卽趙河

拐河

州北六十里源出七峯山東流入葉縣澧河

堵河

州西三里源出白山東流入唐河

三里河

州西三里發源于分水嶺南流入潘河

黃泥河

州東二十里發源
于雙山流入葉縣

煖泉

有二一出州西北歷山一出州東
七峯山麓三時俱冷冬至則煖

溫泉

在黃石山
大精嶺下

清涼泉

州東三十里水極清
涼遇旱有禱輒應

涼水泉

在分水
嶺下

拗刀泉

州東三十里世傳漢高祖至此
以刀拗石上泉忽湧出故名

回龍泉

州東七
十里

龍泉

州北二
十里

黑龍潭

州東三十里水極深暗傳有黑龍潛其下天旱土人禱之輒應

青龍潭

在葛仙翁觀前

仰天池

在歷山頂

銅洞溝

在歷山下

石龍溝

州北五十里

龍王溝

州北三十里

霸王井

在霸王山頂世傳項羽至此人馬渴甚掘地得泉因此爲名

聖井

有二一在聖井岡坡下有泉可灌田一在州東九十里其地四面下而井獨高

板倒井

州東北三十里詳古蹟

又景小引

董學禮

有天地則有山川山川之秀者風雲月露蒸鬱
吞吐變化離奇不可名狀裕經兵燹之餘志乘
殘缺者其勝地徒付之荒榛蔓草已耳夫士人
之性情不扞則天地之靈秀亦不出余每行部
之際有寓諸目輒寫諸心久而得所謂美景者

八焉綴以短引賦以五韻次第標葺差足爲此
邦增色山川有靈當不哂余寂寂耳

黃石仙踪

昔吳葛元於此昇仙故蹟猶存焉山極高峻峰
巒陡拔有插漢摩霄之勢上構複閣層樓輝
遠近山半有魚兒桃花諸宮宮側有池泉白
椒透迤而下內有魚特異紅白金碧出沒
稱神魚云

巖與七峰山對峙山巔有泉奔流下瀉磅礴千
丈響振岩谷如水晶簾如江上帆濺珠噴雪天
矯萬丈觀者目眩

大乘晚照

巖崖陡峭盤薄圍繞山口怪石蹲立偃蹇突怒
不可勝狀中通一徑林木叢茂紅日西沉倒景
閃映殿閣間恍若赤城霞起

釣臺秋月

臺枕潘河之濱背城面水與雲虹橋參差映
每當秋晴月皎萬里澄明浮光湛碧輕儵可
會心正不在遠也

雲虹煙靄

雲虹者州東關外橋名也橋跨潘水之上
影雲氣波光湛然一色望之宛若長虹

百歲寺者赭陽一古刹也守踞大乘山之巔層
巒環抱萬木森羅栝柏松楸類皆數百年物山
雲微抹黛色如描谿雨纔過碧蘿似洗而朝暎
又照浮翠欲滴更難名狀矣

峯雪霽

七峯環峙州北參差清削儼若列屏每當積雪
初晴朝光映射如覩玉宇瓊樓晶瑩明澈令人

心曠神怡

羅漢晴嵐

因杜羅漢示寂於此故以名山山形如馬鞍上
有浮圖三級高標插漢山光黛色遠望如畫當
雨霽新晴嵐氣欲飛如可掬也

附錄

生若子於茲昔遺跡憑弔之餘流連感慨一往

爲百嗚而鬼於此

墟猶存牧豎樵夫呼名如昨者不可沒也高
士寄傲之區幽人養真之地石壁藤蘿茅庵丹
竈流風可挹也至若駐師繫馬昔日亭臺附鳳
攀龍當年井里是知帝王有真賢豪問出閱千
百載其未泯也若夫高塚麒麟故物石馬令人
覽古而愴然者均足志之以垂不朽焉爾

襄邑城

州南二里西魏置郡
隋廢郡爲方城縣

堵陽城

州東六里漢縣屬南陽郡晉
因之後廢俗呼爲堵陽堆

煉真宮

城北里許世傳漢湖陽公主所建
內有仙人洞相傳張三丰居此

文筆塔

州東南潘河之東岸乃二水交
流處凌雲插漢爲風氣砥柱

拔倒井

漢光武曾駐師于此水與地平厥色澄
澈厥流不竭注下可灌田井有亭行人

渴飲者憇焉後有光武廟知州
潘雲桂修井上亭額之曰汲福

順陽石碇

州東九十里世傳孔明先于此結廬
後乃徙南陽卧龍岡今石碇口有小

草庵唐時
石記猶存

虎頭巖

州西三十里兩山壁峙
山嶺一石狀如蹲虎

環翠亭

州南三里
里今廢

留雲臺

州南五里今廢

平高臺

州西南三十里

漢王臺

州西北三十里相傳爲漢高祖所築

蘭香室

在牛心山之麓仙人杜蘭香修真之所

葛仙居

在黃石山吳葛元于此昇仙

試刀石

在州東三十里漢高祖廟東數步相傳漢高祖至此以刀試石分而爲二

落甲洞

在州西北十五里世傳漢光武落甲于此

陵墓

漢廷尉張釋之墓

在州西三里

孫少師墓

在州北五里

漢膠東侯賈復墓

在州東五十里今廢

李都督墓

在州東南五十里有八面碑上有李都督帶管平定州河東道等字餘剝

落不可讀

荆學士墓

在鳳凰山側

黃尚書墓

在龍波地廣頃餘墳塚尚存

李都督墓

在州西南四十里人不敏惟牧有犯

墓前石闕碑亭甚麗其地

石又爲元寶將軍朱知執是

招魂墓

在州正東三里明征川守備段爾忠戰歿鄉人葬其衣冠壘土爲墓故名

倪御史墓

在州南

孫御史墓

在州東北二十里

李御史墓

在州東南

土產

田豐草茂木棘日幸姓

奇異之產球琳琅玕銀鏤砮磬齒革羽毛織貝

織纈之屬裕不與焉其在于昔山澤之所生雨

露之所潤人功之所成就凡足資食用而擅美於時者亦稱阜饒矣自罹兵火之後井牧寂寥石田豐草荒涼極目幸我

國家休養生息歷今七十餘年邇來生齒漸繁而土著者少附籍者衆百穀異種各樹其土之所殖而物產亦爲之小變然不貴異物而費用物亦猶敦古茂實之道也

穀類

麥石文小二種詩 似麥而實圓
如黍黃黍等者可以進食

粟李時珍曰
郎粟地

芝蔴有黑黃
白三種

豆有黃黑
菜三種

蕎

稻陂堰廢
甚少

蔬類

葱

蒜

韭

蘿菔有紅白
黃三種

芥

苺

原荳自胡荳張騫
使西域得者 苺菁諸葛亮所止令軍士種
苺菁今蜀人呼諸葛菜

瓠

芹此家芹也列子野人食
芹而美獻之君謂野芹

菘

俗名黃芽白菜

蒿菘

王瓜

木耳

天花

蕨

葛花

果類

桃

李

杏

石榴

柿

梨

今植

棗

昔有小棗馳名今種
已闕有植者他種也

白果

多植寺院
近有者

櫻

植者

栗

栗園久廢

核

槐

榆

槲

楊

有青白二種

桑

楸

楮

桐

椿

柏

檜

花草類

菊

桂

海棠

有春秋二種

牡丹

芍藥

迎春

木香

薔薇

木槿

一名舜詩顏如舜華卽此

山丹

芙蓉

玫瑰

茶蘼

蕙草

馬蘭

菖蒲

千葉桃

千葉榴

梔

鳳仙

禽獸類

附野禽獸

鷺

鴨

雞

鹿

牛

羊

豕

驢

犬

豕

以上家禽獸

鷺

鳧

鷓

雉

鷓

鷓

鵲

鵲

鴛鴦

虎

豹

熊

鹿

獐

狼

狐

狸

兔

以上野禽獸

鱗介類

鯉

魴

鯽

鰱

蝦

龜

鼈

一名神守淮南子
鼈無耳而守神

蟹

田螺

殼有旋文肉
視月而盈虧

蝦蟆

田雞

蠶類

蠶

蟬

淮南子蟬無口而鳴飲
而不食三十日而蛻

蠅

有斧虫翼下有紅翅如
蠅人謂之織絹之類

蟋蟀

或謂蟋蟀
性喜濕

蝟

蛾有黃白二種蜂有蜜蜂
又有蠶化者上峰三種

蝶

蝟子山
產更多

土蠶

蛇一種名土殺土人
漬酒治勞傷甚效

財用類

硯產在黃石山後石最佳見硯譜有硯
山舖今雖有製鬻但不如昔日之佳

滑石出當陽山鋼鈴明東關外有巷巷之人
久失其處工製鋼鈴亂後亦絕

銅鎖明東關大街有巷人工製
七道籠銅鎖有名今絕
棉花
紅花

麻油 菜油 石灰 靛 蜜 麻

山蘭

裕山多柘櫛足放蠶收利但山無定界民各爭伐木僑居者又欲私占遂致爭訟不休知州宋名立爲分派其地使山隨地轉後民或出租與人或自行放蘭頗得重利

藥類

牽牛

有黑白二種

地骨皮

紫蘇

黃精

柴胡

牡丹皮

芍藥

葛根

連翹

天花粉

防風

蒼朮

細辛

金銀花

貝母

百合

猪實子

天冬

南星

兔絲子

益母草

艾

薄荷

酸棗仁

地丁

風俗

從來言治者未有不以移風易俗爲汲汲願風行於上斯俗成於下轉移之機化導之術全在主治者加之意焉爾按舊志云裕俗習尙儉

士民服飾布素居多廬舍亦茅茨土墻者士之
八九凡婚喪之禮俱不事奢華俗固稱易治也
而故老相傳在昔盛時甲第蟬聯登仕籍者代
不乏人且民俗饒給商賈輻輳儼然一大都會
焉自經流寇蹂躪之後土曠人稀凋敝已甚
第寥寥仕進絕少何今昔之殊俗也我

皇上愛養黎元深仁厚澤淪浹五十五年

軍敷文教重道崇儒所以廣勵士子者

意勞來而安集之十年以來惟幸戶口漸繁
野日辟黨有庠而鄉有學絃誦之聲徹於四
駸駸乎風淳俗茂以庶幾復於昔時之盛轉
之機化導之術所當拜手颺言以歌咏我

聖天子教養之至意云

祥異

春秋水旱螽螟石隕鵠巢必書非徒紀災凡以

示儆也而後世喜禎祥而惡災異何歟不知甘露醴泉徒足以長侈心而怠政治和氣致祥乖氣致異感召所必然也夫虎盡渡河蝗不入境非長民者省愆脩德之所致乎然則禎祥疾疢也災異藥石也疾疢之不如藥石亦守土者鑒觀求莫之明鑒也是爲志

明成化二年飢民多瘟疫

正德三年飢

六年桃李冬華天鼓鳴地震是歲十二月

陷城

嘉靖元年正月一日地震有聲

七年大旱秋蝗食稼民大飢父子相食

十年蝗蝻

十一年蝗蝻知州安如山親率捕打三萬餘石

蝗遂息

十二年隣縣蝗蝻復生獨裕免害且大有

二十一年大水傷禾稼

三十一年八月民訛言兵至遷徙塞路官不

禁

三十四年地震

隆慶二年大水漂沒禾稼

萬曆二年大水

三年五月地震

十五年七月十九日地震

下九年三月二十七日未時有星自乾流
方白氣如練經天移晷不散天鼓鳴

二十一年五月大雨至七月禾稼盡傷民命
根樹皮

二十二年六月大雨州東南四十里潘河水
有青龍自空墜入河中河水橫溢至一節
始不見

二十五年大水四月雹大如斗壞民廬舍

三十年三月三日有黑風自北來途中人

墮溝溪中風中有火如繩上下無定夜

止

三十二年十月桃花盛開如春牡丹開數

爛熳可愛

三十三年有豺入城之居民受過室過

夏門州將委吏率兵殺之

三十六年冬州民畜一騾口吐一駒大如
赤色州守欲上其事尋以爲怪乃止

三十九年雨黃土厚寸許

四十二年六月大水壞民舍三千餘間

四十三年蝗蝻大盛又秋州西南連環陂

田間忽聞地中樂鳴歸告其隣同往發掘

銅鼓一具土蝕破壞懷之遂碎其處遂絕

四十四年蝗蝻大盛傷禾稼無遺

卷之一
四十五年有蝗蔽天禾稼盡食遺子遍野草
濯濯丁巳至壬戌又至俱傷田稼如掃

四十八年三月黃石山鳴三月聲如轟雷尋崩
一角相離百餘步州東關外潘河一物浮水
面白色細鱗約丈餘屈伸往來浮沉無定州
人以爲龍祭之三日始無

元曆元年九月日生暈有五環稍頃有黑蛇

五月朔四日天門開際建以然移晷始合
是年蝗

三年閏十月郝家寨一婦人自肋中產一兒其
婦卽死而兒存

國朝

順治五年妖狼十數成羣人畜俱傷經年始息
十年秋七月大水漂沒民舍

十六年無麥

十七年春大飢

十八年六月雷破宣化坊西柱附近牲畜多震
死

康熙四年患痘傷小兒殆無虛戶

十四年豹入城街民擊殺之

十九年白面長鬚虎去來如風白晝行州境傷
人三十餘知州佟鸚衫督烏鎗手數百人逐
之患乃息

三十年蝗蝻知州潘雲桂脩八蜡祠於縣
出境不害有秋

三十四年四月初六日戌時地震是年六月苦
雨二十一日潘河水溢漂沒民舍無算溺死
者數十人

四十四年大旱

四十五年大乘山至菜山一帶地方有一白額
虎去來無踪傷人無數路幾絕南陽別駕張

宏祚署州篆焚牒禱神虎始不見里民爲建
去虎亭在大乘山下

四十七年霖雨自三月至八月下地一望如湖
無麥高地禾之被淹者亦十之五本州詳請
各憲發常平義社各倉多方賑恤民得稍蘇
四十八年春大飢米價騰貴幾無鬻者賴有客
舟販米至除旗店民乃全活

四十九年虎狼爲祟出入禾黍中傷人抵城下

州董學禮發煤驅捕患乃息

萬十年二月十二日辰時天鼓鳴聲發自州西南
隱隱如雷數刻乃止響處有白氣長數丈亦經
時乃沒

秋七月隣縣蝗生食稼知州董學禮步禱八蜡祠
蝗夜飛過不犯境歲有秋

十月有虎卧北城敵臺下知州董學禮率兵民殺
之是歲冬患痘傷者甚衆

乾隆元年隣邑饑僅惟裕有秋

三年十月東山有大虎爲患知州宋名立虔禱
廟卽日率鎗手殺之其虎兩耳共有十三缺

四年隣近州邑多苦水患田禾咸皆渰沒裕境獨
保無恙